



**I**Oannes ex nobili familia à Leyen natus, & in omni genere uirtutum optimè educatus est. Is à pueris parentum consilio operam literis dedit, & liberales artes feliciter didicit. Accedebat & uitæ integritas, atq; magna animi prudentia. Postea se Treuerim contulit, et inter eius collegij canonicos receptus fuit. Ibi magna animi moderatione uixit, & ob multas corporis & animi uirtutes omnibus gratissimus extitit. Itaq; cum eius loci p̄sul obiisset, Ioannes omniũ suffragio Archiepiscopus constitutus fuit. In ea eminentia existens literarum studia promouit, atq; pacem per Germaniam conseruare studuit. In comitijs quoq; sua consilia ad con-

cordiam direxit, atq; patriæ salutem unicè respexit. Id quod Fräckoforti cum Maximilianum Ferdinandi filium, unà cum reliquis Electoribus, regem Romanorum 1562 constitueret, omnibus innotuit. In eo genere uitę Ioannes princeps etiamnum pergit, & suis subditis gratissimus existit. Anon.